

按爾雅。蕭荻音狄。陸璣草木疏同。鄭夾深作荻。音狄。又按正字通。荻今讀濁荻。舉要秋部。荻訓蕭荻。不詳。荻與蕭荻非同類也。然物不妨同名。蕭荻似當不疑。毛詩草木疏云。蕭荻今人所謂荻蒿者是也。或云牛尾蒿似白蒿。白葉莖蠶科生。多者數十莖。可作燭。有香氣。故祭祀以脂燭之爲香。許慎以爲艾蒿。非也。

鄭夾深爾雅註云。蕭荻音狄。即青蒿也。或云牛尾蒿。今藥家謂之青箱子。

按荻蒿不詳。牛尾蒿青箱子。俱多有之。其種各異也。然青箱亦名牛尾。以花形名之爾。故鄭氏誤混之矣。陸氏所謂牛尾蒿。指莖葉似牛尾者也。

胡枝花

農政全書云。胡枝子。俗亦名隨軍茶。生平澤中。有二種。葉形有大小。大葉者類黑豆葉。小葉者莖類薔草。葉似苜蓿葉。而長大。花色有紫白。結子如粟粒大。氣味與槐相類。性溫救飢。採子微春。即成米。先用冷水淘淨。復以滾水。湯三五次。去水下鍋。或作粥。或作炊飯。皆可食。加野菜豆味尤佳。及採嫩葉蒸曬爲茶。煮飲亦可。

按胡枝花。俗名白已也。有大葉者小葉者。其花有紫者深紫者。白者。又有一朵二色。或白或紫者。葉治被鼠咬之痛甚。爲瘡播研塗之。其効如神。小葉者北地有之。名絲白已。亦有紫白二色。

鮠

寧波府志云。鮠魚。鮠或作鮠。一名河豚。腹下白。背上青黑。有黃文眼能開閉。觸物輒噴。腹脹如鞣。浮於水上。一名噴魚。味至美。其肝與子有大毒。食之殺人。江陰縣志云。河豚魚一名鮠。

海語云。河豚出於江河者。皆不盈尺。海中大者如家豚。雜紅黃文彩可玩。常魚率順水而遊。此則旋迴戲躍。噴沫之聲。烏々如訓狐。舶人聞其聲。知其下有河豚也。以小經繫火鑊。擲而獲之。有重數十斤者云。

通雅云。鮠鮠是河豚。此潛谷說。物類志。湖夷魚。即河豚。廣志。鮠魚一名河豚。鮠又爲魚菜之總名。如庾郎食鮠是也。烏瓜切。

過臘魚

福州府志云。過臘魚。頭類鯽。身類鱈。以臘來以春去。故

名。

閩書云。棘蠶魚似鯽而大。其蠶如棘紅紫色。嶺表異錄名吉蠶。泉州謂之蠶蠶。又名奇蠶。或曰過臘。莆人謂之赤蠶。興化志曰。赤蠶似棘蠶而大。則二魚也。宋志棘蠶與赤蠶。味豐在首。首味豐在眼。悉蔥酒爲珍。十月味尤佳。浙人屠本峻海錯疏。過臘頭類鯽身類鱈。又類鱈。肉微紅味美。尾端有肉。口中有牙。如鏹。好食蚶蚌。臘來春去。故名過臘。

鱈魚

本草綱目云。鱈魚處々有之。狀似鯽而小。赤脉貫髓。身圓而長。鱗細于鯽。青質赤章。好食螺蚌。善于遁網。按鱈魚不詳。

麻四

不詳。按海棧餘錄。江魚狀如松江之鱈。身赤色亦間有白色者。產于鹹淡水交會之中。士人家以其肉細膩。切爲膾。

蒸之有味。皮厚如錢。此品不但勝絕海鄉。雖江左時魚鱈鱈之味。亦無以尚也。贛此說。則江魚疑是麻四魚也。又江魚職明道雜志中。又按本草綱目。石首魚一名江魚。此同名而異魚。

稻 若水錄

一、遙奉謝原賢兄所賜鑲銀花草厭尺二條

白 石

美人千里贈。珍質擬琅玕。珠幕押銀蒜。玉鎖疏石蘭。披奮風不動。照案雪猶寒。永荷丘山重。寸心欲報難。

張季陽美人。贈我金琅玕。

庚信詩。嫌釣銀蒜條

歐陽永叔詞云。銀蒜珠箔雲垂地。銀蒜是飾飾也。

楚辭。白玉可爲鑲。疏石蘭以爲芳。注以玉鎖坐席。石蘭香草。疏布陳也。

陸復禮。詔賜公卿尺詩。捧觀珍質麗。拜受聖心崇。如何丘山重。恩酬方寸功。